

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: EPiti Toata i te Matahiti.

Nu. 7

Tiurai 1935

Mat. 29

*I hea oe ia'u i haamau i te tumu o te fenua nei? Na vai
i tuu i te ofai tihi, a fatu atoa'i te mau fetia poipoi i te himene.
Ioba 38:4-7.*

Te A'o Varua.

Te haapii mai nei te mau parau mo'a ra e, te vai ra te
varua o te taata nei i te *Ao varua* hou a'e i tae mai
ai ratou i te ao nei, a rave atu ai i te hoê tino tahuti noa. E
taua mau varua ta'u e faaite nei, o to tatou iho ia mau va-
rua, e te vai ra hoi to tatou mau varua, i te *Ao varua ra*,
hou a'e a hamanihia'i teie nei ao.

I te toto tao'a râ o te Mesia ra, mai to te arenio ino ore e te mai ore:
o tei haapao-atea-hia ia hou te tumu o teie nei ao, i teie nei râ mau anotan
hopea i faaitehia mai ai no outou. I Petero 1:19,20.

I hea oe ia'u i haamau i te tumu o te fenua nei?—A fatu atoa'i te mau
fetia poipoi i te himene, e ua pii noa te mau tamarii a te Atua i te oaoa?
Ioba 38:4,7.

Ei reira te repo e ho'i ai i raro i te repo no reira oia ra, e ho'i râ te varua i te Atua i horoa maira. Koheleta 12:7.

Aita hoi te Atua i vaiiho ia tatou i roto i te pōiri i taua vahira, i teie mau mahana hopea nei. I te tau a parahi ai te Peropheta ra o Iosepha SEMITA i te ao nei, ua noaa ia'na te hoê mau parau tuatapapa, o tei papaihia e te rima o Aberahama ra a parahi ai oia, o Aberahama, i Aiphiti ra; e ere hoi taua parau tuatapapa ra i te *Buka a Moromona*, e parau ê te tahi parau i te tahi, e te i'oa o taua parau tuatapapa ra ta Aberahama i papai, o te *Buka Poe Tao'a Rahi* ia.

Te na ô maira Aberahama i roto i taua buka ra: *I teie nei, inaha, ua faaite mai te Atua ia'u, ia Aberahama e, te mau varua e vai ra hou a'e a hamanihia'i teie nei ao; e i rotopu i taua mau varua ra, ta te Atua i faaite mai ra, te vai atoa ra te mau varua e rave rahi tei hau atu i te paari e te ite i te tahi; e ua ite hoi te Atua i taua mau varua ra e e mau varua hau ana'e ratou i te maitai; e a parahi ai Oia i rotopu ia ratou ra, ua parau atura Oia: E faariro Vau ia ratou ei mau taata rarahi i te faatereraa i Ta'u ohipa; te tia no i ra te Atua i rotopu i taua mau varua ra, ite i hora Oia e, e mau varua maitatai ana'e ratou; e ua parau maira Oia ia'u, e Aberahama e, o oe te hoê o ratou ra, ua maiti mau hia oe hou to oe fanauraa hia i roto i teie nei ao. Buka Poe Tao'a Rahi, Aberahama 3:22,23.*

Te faaite papu mai nei teie na irava i papaihia i nia nei e, te vai ra te mau varua e rave rahi i te ao varua hou a'e ratou i fanauhia mai ai i roto i teie nei ao. Mai te au i te *Buka Poe Tao'a Rahi*, o Iesu te hoê o taua mau varua paari e te ite, ta te Atua i parau atu, e o Satane hoi te hoê o ratou ra. Ua maitihia râ o Iesu ei Faaora i te mau taata atoa; o Satane ra, ua faaore-roa-hia ta'na ra titauraa tia ore.

Te
varua
ro, no
mea r
Buka

Ua
ta Ab
te At
mau i
tu ato
rii a t

O v
tei pi
nelia
na tat
te na
na E
oia na

Eia
ô mai
ai i r
i horo

A t
ia tat
i reir
i to t
reira
Paulo
tei au
to tat

Ait
te me

Te tia ra te hoê, mai te Atua te huru, i rotopu i taua mau varua ra, e ua parau atura oia ia ratou: *E haere tatou i raro, no te mea e vahi ateatea to reira, e rave hoi tatou i te mau mea rii tumu ei hamani i te hoê ao, ei parahiraa no ratou ra. Buka Poe Tao'a Rahi, Aberahama 3:24.*

Ua papu roa ia tatou e, te oaoa mau ra taua mau varua ta Aberahama i faaite maira, a faaroo ai ratou i te uiraa ta te Atua i ui atu ia Ioba, i te na ôraa e: *I hea oe ia'u i haamau i te tumu o te fenua nei? Na vai i tuu i te ofai tihi, a fatu atoa'i te mau fetia poipoi i te himene, e ua pii noa te tamarii a te Atua i te oaoa. Ioba 38:4-7.*

O vai maura te hoê pae o taua mau tamarii a te Atua ra o tei pii noa'tu i te oaoa mai ta Ioba i faaite maira? Na te evanelia a Luka e haamaramarama mai i te reira vahi: a tai'o na tatou i te pene 3 e i te irava 23 e tae noa'tu i te irava 38; te na ô maira te irava hopea, oia hoi te 38: "O te tamarii na Enosa, e o Enosa e tamaiti na Seta, e o Seta e tamaiti oia na Adamu, e o Adamu ra e tamaiti oia na te Atua."

Eiaha tatou e faaea noa i nia i taua irava ana'e ra, te na ô maira te hoê parau tahito ra e: "Ei reira te repo e ho'i ai i raro i te repo no reira oia ra, e ho'i ra te varua i te Atua i horoa mai." Koheleta 12:7.

A ui ana'e na tatou ia tatou iho e, eaha ia e nehenehe ai ia tatou ia hi'o atu i te hoê vahi mai te mea aore tatou i tae i reira i mua'tura. No reira, e homa, eaha ia e nehenehe ai i to tatou mau varua ia ho'i atu i te Atua ra, maori ra no reira mai to tatou mau varua nei. A tai'o atoa na tatou i ta Paulo i parau mai: "E metua hoi to tatou to te tino nei, o tei au mai ia tatou, e ua faaite hoi tatou, eiaha ia rahi atu i to tatou auraro i te metua o te varua nei, e ia ora'tu."

Aita o Paulo i vai i roto i te poiri i te parau e, o te Atua te metua mau ia o to tatou nei mau varua, e taua mau varua

ta Paulo i parau maira, te parahi mau ra ratou i te ao varua hou i tae mai ai i roto i teie nei ao.

Ia tae mai te pohe i te tino tahuti nei, ei reira e hunahia'i teie nei tino repo, e teie tino repo nei e ho'i ia i te repo no reira mai oia ra, te varua ra, e ho'i ia te reira i Paradaiso.

I to Iesu fâraa mai i ta'na ra mau pîpî, i muri a'e i to'na tia-faahou-raa, 'Hitimaue atura ratou, e te mehameha, parau a'era e varua ta ratou i hi'o ra', parau atura râ Iesu ia ratou, 'A hi'o mai na i ta'u rima e ta'u avae; o Vau mau â; a fafa mai na ia ite; aita to te varua e i'o e te ivi mai to'u nei, ta outou e hi'o mai nei.'" Luka 24:37-39. Na taua mau parau i nia nei e haapii mai ia tatou nei e, te vai mau ra te varua o te taata, hou a fanau mai ai i roto i te tino repo nei, e taua varua ra, o te hoê ia mea ora mau ma te i'o e te ivi ore. E te vai mau ra, i taua mau varua ra, te ravea ia haapii i te mau mea atoa ta te Atua i hinaaro i te haapii ia ratou, e ua noaa hoi ia ratou te ite e te paari; e hau râ te hoê pae i te itoitio i te tahi pae, mai te tamarii a te taata nei te huru; ua hau te hoê mau taata i te itoitio i te tahi pae i roto i teie nei ao.

Te vai nei na huru e toru no to tatou mau varua, oia hoi:

1^o—Te mau varua ta tino ore hia ra, i te tino tahuti nei, oia hoi, o ratou ia o tei ore â i rave i te tino tahuti noa.

2^o—Te mau varua ta tinohia ra i te tino tahuti, oia hoi, o te mau varua ia o te parahi nei i roto i te tino tahuti nei i teie nei â mahana.

3^o—Te mau varua o tei iritihia to ratou tino tahuti ra, o tei haere na roto i teie huru o te oraraa nei e o tei haapae i te tino tahuti i roto i te repo, e o tei tia-faahou i te hopea a tahoê faahou hia'tu ai te varua i te tino, oia hoi, te feia parau tia ra o te ore roa e faataa-ê faahou hia te varua i to'na tino tahuti ore ra.

Aita oe i hamanihia e au i roto i te opu, i ite ai au ia oe; e aita oe i fanau, i faataahia'i oe e au; e ua haapaohia oe e au, ei peropheta na te mau fenua. Ieremia 1:5.

Na roto i taua parau a te Atua ia Ieremia ra i noaa'i ia tatou te ite e, ua faataa te Atua ia Ieremia ei peropheta hou i tae mai ai oia i te ao nei a rave ai oia i te tino tahuti nei. Na te reira atoa tatou i haapii papu mai e, na roto i to Ieremia haapao maitai i te ao varua ra ua noaa ia'na te ite e te paari, e aita hoi i hape taua maitiraa ia Ieremia ra ei peropheta hou i tae mai ai oia i te ao nei, no te mea ua haapao maitai i taua ohipa ra ta te Atua i horoa mai ia'na ra; aore roa o Ieremia i faatau e hoê iti a'e, rahi noa'tu te mau ati e te mau peapea i farereihia e ana ra.

Ua haapii papu roa hia tatou na roto i ta Iesu i parau mai e, te vai mau ra te mau varua i te ao varua ra hou i tae mai i teie nei ao. Te na ô maira te evanelia a Ioane: "Aore roa e taata e tae i nia i te ra'i maori ra o tei haere mai i raro nei mai nia mai i te ra'i." Te na ô faahou maira Ioane: "Ahiri paha outou i ite na i te Tamaiti a te taata i te ho'i faahou-raa i nia i te vahi ta'na i parahi i mutaa ihora. Ioane 6:62.

Na teie nei mau irava i faaite ia tatou e, e ore roa te hoê taata e hoi atu i te ra'i ra, maori râ, no reira mai oia, e na teie mau parau i haapii papu mai, ia tatou e, no ô mai i te ao varua to tatou mau varua atoa.

Papaithia e Le Roy Mallory.

Eiaha tatou e rohirohi i te parau maitai, ei te tau mau ra hoi tatou e ooti ai ia ore tatou ia toaruaru. Galatia 6:9.

Te Ohipa a te Fatu

Te na ô maira te parau a te Fatu e, “ E tae a’era i te ahuru ma piti i to’na matahiti, haere atura ratou i Ierusalema i te haapaoraa i te peu i taua oro’a ra, (oia hoi, te oro’a i te pasa ra), e hope a’era taua pue mahana ra, hoi maira rana, parahi atura râ te tamaiti o Iesu i muri i Ierusalema, aore Iosepha e ta’na metua vahine i ite. Haere maira raua e rui hoê maira te haerea, parau a’era raua tei roto oia i taua tiaa ra, imi atura raua ia’na i roto i to ratou iho fetii e i te mau taata tupu ra. E aore a’era oia i itea, hoi atura raua i Ierusalema i te maimiraa ia’na. E rui toru a’era, ite atura raua ia’na i roto i te hiero ra, te parahi ra i ropu i te mau orometua, te faaroo atura e te ui atura ia ratou. Maere ana’e ihora te feia atoa i faaroo ia’na ra, i to’ua ite e ta’na parau. E ite atura raua ia’na hitimaue atura raua. Ua parau atura ta’na metua vahine ia’na, E tau tamaiti, eaha oe i ua reira mai ai ia maua? inaha, i imi noa na maua o to metua tane ia oe ma te oto. Ua parau maira oia ia raua, *Eaha orua i imi ai ia’u? aita orua i ite e, ia haapao Vau i ta tau Metua (ohipa) e tia’i.*” Luka 2:42,49.

O te parau teie a te Mesia ia Iosepha raua ta’na metua vahine a ite ai raua ia Iesu i roto i te hiero i Ierusalema. I moe na oia ia raua ra. E hoê ahuru ma piti noa iho matahiti to Iesu i taua mahana ra a parau ai oia e, *E ia haapao vau i ta tau metua ohipa e tia’i.*

E haapiiraa rahi teie i te Feia Mo’a i te Mau Mahana Hopea nei. Ia haapao tatou i te ohipa a te Metua e tia’i, oia hoi, te ohipa iho i ravehia e Iesu i to’na parahiraa i te ao nei. “ E teie â hoi, e haapii te mau Peresibutero, te mau Tahu’a, e te mau Haapii no teie nei Ekalesia i te mau parau tumu no ta’u evanelia o tei vai i roto i te Bibilia e te Buka a Morô-

mona
F. S.

Ia
atoa
Feia
re at
mau
tou i
mau
ohipa

A
ra:

Mato

Te
Apî
huru
pa n
mait
lia, i
te in
raa i

na’o
ia’u

E
piti

mona, te reira hoi te îraa no te Evanelia. B. F. 42;12; B. F. S. 42:5.

Ia poro-haere-hia te evanelia a Iesu Mesia i te mau nunaa atoa o te ao nei e tia'i. O te ohipa teie na te Feia apî e te Feia ruau atoa hoi. Mai ia Iesu Mesia i haapii e i poro-haere atoa hoi te parau a to'na ra Metua, ia na reira atoa hoi te mau melo no te Ekalesia nei e tia'i. Mai te mea e itoitou tatou i te haapiiraa e i te imiraa i te parau mau i roto i taua mau buka ra, e au ai ia tatou, i reira râ, te faatereraa i te ohipa a te Metua i te ao nei.

A haamana'o tatou i te parau a Iesu i te na ôraa mai oia ra: *E rave rahi hoi tei parauhia ra, e iti râ tei maitihia. Mataio 20:16.*

Te oaoa nei au i to'u faaroora i te parau maitai no te Feia Apî i te mau fenua moana na, na Leroi i faaite mai ia'u te huru no te Feia Apî i ò na, e ta outou rave itoitioraa i te ohipa maitai na. A faaitoitou â outou, e te Feia Apî, i te ohipa maitai ta outou e rave nei. A haapii noa outou i te Evanelia, ia rirô atoa outou mai ia Iesu te huru, i to'na apîraa, i te imi maiteraa i te parau mau; eiaha e fiu i te haaparare-raa i te parau a te Atua.

Te imi nei outou i te parau i papaihia ra, no te mea te mana'o na outou e, e roaa te ora mure ore i reira; o te faaite ia ia'u o taua mau parau ra. Ioane 5:39.

Ia ora na outou i te aroha o te Fatu.

Papaihia e Anderea Sedamana.

E ratou o te tiaï noa Ia'na ra, e fâ mai â Oia ia ratou i te piti o te fâraa mai. Hebera 9:28.

TE ARATAI MAU.

Ua tia noa te hoê tâata i pihaiiho i te hoê tumu raau, e ua amu oia i te hotu no nia mai i taua tumu raau ra; a amu ai oia i taua hotu ra, i ihora to'na aau i te oarahi roa, e te anaanatae, e te mauruuru, no te mea, ua ite oia e ora te taata nei na roto i te amuraa i taua hotu ra.

I muri ihora ite atura oia i te hoê pape ri'ari'a i te tahe-raa i pihaiiho i taua raau ra, e ite a'era oia i to'na mau taata i tera pae mai o te pape ri'ari'a ra, i taua taime ra tuou atura oia ia ratou e ua parau atu e, A haere mai outou ia'u e amu i te hotu ra, tei hau to'na maitai i to te mau hotu êe atoa ra.

Ite a'era oia i te hoê auri tei na te pae anavai ra to'na haerea, e ua tae roa taua auri ra i pihaiiho i te raau, e na muri iho ua ite oia i te hoê e'a afaro roa e te pirihaio i pihaiiho i taua auri ra.

Na roto i to te taata tamataraa ia tae roa ratou i pihaiiho i te raau i itehia e ratou, ua topa te tahi pae i roto i te anavai, no to ratou poiri, e te faahemaraa e te paruparu. Area ra e rave rahi tei noaa ia ratou te auri aratai, e te e'a, e ua tae roa ratou i pihaiiho i te raau no te ora.

E homa e, ua ite tatou e parau mau ana'e teie mau parau atoa ra, oia hoi, te tumu raau ra, o te tumu ia no te ora, te hotu ia, o te ravea ia ia ora te taata nei e a muri noa'tu; te auri ra, o te parau ia a te Atua i horoahia mai i te taata nei, te e'a ra o te mau ohipa maitai ia. Te pape tahe ra, oia hoi te anavai ra, o te area ia i ropu i te mau taata e te tumu raau; te mau faahemaraa a Satane, e te poiri e te mähü poiri, o te mau faainoraa ia a te taata nei o te haapoiri i te mata e te faaetaeta hoi i te aau o te tamarii a te taata nei, e te ara-

tai i
te p

E
no r
i te
ai i

Tu
mat
poip
e 84
mau

K
ga,
Tet
Tet
pu,
Gak

T
Rir
Pai
U
a'er

tai ia no te afairaa ia tatou na te e'a aano, oia hoi, te piti o te pohe.

E tomo na te uputa pirihaio; te atea nei hoi te uputa e te aano nei te e'a e tae atu ai i te pohe; e e rave rahi tei na reira i te tomo. Te apiapi ra te uputa e te piri hoi o te e'a e tae atu ai i te ora, e te iti o te feia i ite atu i te reira. Mat. 7:13,14.

Papaihia e Rui Orometua.

Te Parau Api no AMANU Mai.

Ze faaite hia'tu nei te mau minute no te hamaniraa i te Fare Pureraa Apî i te Amaa i Amanu nei. Na TURE Orometua raua o IOSEPHA Orometua i faatere; ua haamatahia i te 14 no Me i te matahiti 1935, i te hora 8 ½ i te poipoi, e ua faaotihia i te 28 no taua ava'e Me ra, e ua pau e 84 hora raveraa ohipa; e ua tauturuhia taua ohipa ra e te mau taeae e te mau tuahine Sanito e teie to ratou mau i'oa:

Koneke a Kavera, Temakave a Kavera, Mapuhia a Fatoga, Nunanui a Fatoga, Maui iti, Tomo, Tematahotu, Hau, Tetua, Rui, Tetuaterikinui Tefatu a Kaua, Maruia a Terega, Tetaki a Tuko, Faratua a Herani, Ngahina, Kohemigo, Tepu, Mohea korereka, Mo'i, Nui, Haere, Tagi, e katorika oia, Gakihau, Tepiu.

Te mau melo iho no te Amaa: Tehuihui, Tehutu, Tagia, Rirava, Katupu Salome, Paea, Temaoko, Paea iti, Tepiki a Painara e na Orometua, oia hoi o Ture raua o Iosepha.

Ua oti roa taua Fare ra e ua tomohia i te 28 no Me i mairi a'enei, i te hora 7 i te ahiahi.

Papaihia e Tepiki a Painara.

Te Ora Mure Ore.

E hoa ino ma e, e rave rahi te taata tei mana'o e, e ore te ora mure e noaa i te feia hara, e noaa ra te reira i te feia parau tia ana'e ra; te faaite atu nei au ia outou, e te mau hoa no te Heheuraa Apî, eiaha na outou e rû i te parau i te reira paran. A feruri maitai ana i taua parau ra; teie, o te pohe nei, e ere anei ia o te taa-ê-raa o te tino e te varua? oia mau â; e vai noa anei ia mai te reira te huru e a muri noa'tu? Aita, aita roa'tu, e noaa râ ia ratou te tia-faahouraa

Eaha ia te tia faahouraa? te tia-faahou-raa, o te apiti faahou raa ia o te tino e te varua, a ora faahou mai, mai tei mutaa ihora. Eaha ia to te taata nei ora ia tae i te reira taimē? e ere anei te oraraa mure ore? O te feia faaroo ana'e anei te farii i te reira ora? aita, o te feia faaroo, te feia hara e te mau Etene atoa hoi.

Eaha'tura te maa vahi iti i huru ê ai te feia parau-tia e te feia hara? Teie ia, e noaa te ora mure ore i te feia parau-tia i roto i te oaoaraa mure ore, i te vahi i haapaohia e te Atua no ratou; area te feia hara ra, e noaa atoa ia ratou te ora mure ore, i roto ra i te mauini mure i te vahi i haapaohia, e te Atua, no ratou. O na vahi iti noa iho i hurn ê.

Ahiri e hurihia na te feia hara i roto i te auahi ra, e mure ia to ratou ora, eita'tura ratou e ite a'e i te mauini otia ore ta te Mana Hope e tuu mai i nia ia ratou, no reira, a feruri maite outou i te reira e a farii mai, no te mea aita'tu e noaa raa ora maori râ ei roto i te EKALESIA A IESU MESIA I TE FEIA MO'A I TE MAU MAHANA HOPEA NEI.

Papaiahia e Temuriaroha a Kuratahi.

TE MAU PARAU API

Ua faarookhia to'na reo.

I te 12 no te ava'e Me i mairi a'enei ua faarookhia te reo o te taata ra o Hebera GARNATA, te Peresideni no te Ekalesia a Iesu Mesia i te Feia Mo'a i te Mau Mahana Hopea Nei, e te mau taata atoa i te fenua Amerika e Canada na roto i te radio. O te taime matamua teie ta'na i paraparau i te taata na roto i te radio no reira ua paraparau Oia no nia i te "Faaroo mau o te Feia Mo'a no te Mau Mahana hopea nei.

Na te Faraoa ota i faaora.

I roto i te hoê peapea tei tupu i te oire ra o Talkeetna, Alaska, ua pê-pê roa te taata ra o Leo Koler e ua tahe puai roa to'na toto. No te atea o te fare ma'i e te rava ore hoi i reira, rave ihora te taata ra o Jeff Nation i te faraoa ota e tuu atura i te reira i nia i to'na mau puta e, inaha, paari atura te faraoa ota e mahu atura te toto. I to'na taeraa i te fare ma'i ua maoro to te taote raveraa ia'na no te horoiraa i taua faraoa ota, e ua parau ratou e, au'a te reira faraoa i ora'i oia.

E Tamata Oia i te faaora faahou.

Ua faaitetia i roto i te hoê ve'a e, ua faatoetoe pohe roa hia te hoê rapiti e te taote ra o Ralph VILLARD no te oire ra o Los Angeles, Amerika. Ua na reira oia ei faaiteraa e e ora faahou taua rapiti na roto i ta'na mau ravea apî. Mai te mea e manuia oia e ravea maere mau ia ta'na.

E ati ri'ari'a mau.

I te oire ra o Kharkoff, Rutia, ua tupu te hoê ati ri'ari'a mau. A haere ai te hoê pŭpŭ tamarii e ori haere na nia i te hoê pahi, na nia i te anavai pape rahi ra o Psiol, ua tomo taua pahi ra e ua paremu roa e 28 tamarii e te tœ ra, e 30 ia, ua ora ratou na roto i to ratou iho itoito, no te mea, hoê noa iho taata paari tei tuuhia no te haapao ia ratou atoa.

E Parau apî no Huahine mai.

I te ava'e Eperera i mairi a'enei ua haere o Tetua Mervin, ta'na vahine o Rauvana e ta raua mau tamarîi i te fenua ra o Huahine, no te parahi i reira. E inaha, ua parahi mau â o Rauvana i reira, no te mea ua tae mai te hoê rata tei faaite mai e, ua pohe roa oia i te 20 no Tiunu i mairi a'enei. E poheraa aroha mau to'na e e ere hoi na roto i te hoê ma'i maoro, oia hoi, e taerò i'a to'na, e i taua mau mahana ra aita te hoê pahi e vai râ, i reira, no te haere i Raiatea e a ore râ no te haere mai i Tahiti nei no reira ua vai noa oia i roto i te mauîi i na mahana e maha. Aue te aroha te reira huru poheraa. Ne reira te haponu atu nei te Heheuraa Apî i to'na aroha mau ia Tetua Mervin e to'na utuafare atoa.

Ua tia o'e e te hamara tupai auri.

I te oire ra o Muelheim, Purutia, ua tatamai na taata tupai auri e piti, o Hans Wollschlaeger raua o Heinrich Schlinkert, e no te puai o to raua riri opua ihora i te tia o'e; no te ore te o'e e te pupuhi i taua taime râ, rave ihora raua i ta raua nau hamara rahi tupai auri e tupai ihora ia raua iho e i te hopea ra pohe roa ihora o Heinrich Schlinkert e e haavâhia o Hans Wollschlaeger no te hara taparahi taata.

E nau maehaa maere mau.

I te 16 no Ditema i te matahiti 1931, ua fanauhia na tamarîi maehaa tamaroa, o Lionel Umberto Rios raua o Daniel Rudolph Rios. I teie nei mau mahana te riro noa nei raua ei maere raa na te mau taata paari, no te mea, noa'tu e hoê â to raua hohoa mata, e mea pupure roa te hoê ma te mata huru tarona, e te tahi ra, e mea ravarava ia ma te mata ereere roa. Te mana'ohia nei e, te tumu te hoê o raua i pupure ai, no te mea e tupuna pupure to raua.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.